

## Риёзус солиҳийн шарҳи / Риёзус солиҳийн шарҳи / 604-ҳадис

604 - وَعَنْ أَبِي سِرْوَةَ - بِكَسْرِ السِّينِ الْمُهْمَلَةِ - عُقْبَةَ بْنِ الْحَارِثِ رَضِيَ اللَّهُ عَنْهُ: أَنَّهُ تَزَوَّجَ ابْنَتَهُ لِأَبِي إِهَابِ بْنِ عَزِيزٍ، فَأَتَتْهُ امْرَأَةٌ فَقَالَتْ: إِنِّي قَدْ أَرْضَعْتُ عُقْبَةَ وَالَّتِي قَدْ تَزَوَّجَ بِهَا، فَقَالَ لَهَا عُقْبَةُ: مَا أَعْلَمُ أَنَّكَ أَرْضَعْتَنِي وَلَا أَخْبَرْتَنِي، فَكَبَّ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ بِالْمَدِينَةِ، فَسَأَلَهُ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «كَيْفَ، وَقَدْ قِيلَ؟!» فَفَارَقَهَا عُقْبَةُ وَنَكَحَتْ زَوْجًا غَيْرَهُ. رَوَاهُ الْبُخَارِيُّ [88].

«إِهَابٌ» بِكَسْرِ الهمزة، و«عَزِيزٌ» بِفَتْحِ الْعَيْنِ وَبِزَايٍ مُكْرَرَةٍ.

604. Абу Сирваъата Уқба ибн Ҳорис розияллоҳу анҳудан ривоят қилинади:

«У киши Абу Иҳоб ибн Азизнинг қизига уйланди. Шунда бир аёл келиб: «Мен Уқбани ҳам, у уйланган(келин)ни ҳам эмизганман», деди. Уқба унга: «Мени эмизганингни билмайман, менга бунинг хабарини берган ҳам эмассан», деди. Кейин Мадинада турган Расулulloҳ соллalloҳу алайҳи васалламнинг ҳузурларига уловда бориб, у зотдан сўради. Шунда Расулulloҳ соллalloҳу алайҳи васаллам: «**Қандай қилиб? Айтилибди-ку ахир?!**» дедилар. Шундай қилиб, Уқба у билан ажрашди ва у (қиз) бошқа эрга никоҳланди».

*Имом Бухорий ривояти.*

**Шарҳ:** Ҳадисдан олинадиган хулосалар:

- Насаб жиҳатидан ҳаром бўлган нарсалар эмизикли сабабли ҳам ҳаром бўлади.

- Эмизишни исботланишида эмизганнинг гувоҳлик бериши кифоя қилади.
- Саҳобаларнинг ҳақ ҳукм устида тўхталиб, амал қилишга рағбатлари очик намоён бўлмоқда. Чунки Уқба ибн Ҳорис Расулуллоҳ с.а.в.дан сўраш учун уловга миниб, Макадан Мадинага йўлга чиқишлари шуни кўрсатади.
- Ким учун бир ҳукм ёки иш шубҳали бўлиб қолса, аҳли илмлардан сўраши лозим.
- Илм талаби йўлида сафарга отланиш.
- Шаръий ҳукмни билган кишига унга амал қилиши шарт бўлади.
- Муслмон банда дини ва обрўсини сақлаш мақсадида шубҳаларни тарк қилиши лозим.

---

Манба: [hadis.islom.uz](http://hadis.islom.uz)



HADIS.ISLOM.UZ  
NUBUVVAT MARVARIDLARI